

南

河

志

南河志卷之五

南河郎中朱國盛編輯

郎中徐標續纂

章奏

總河部院朱光祚題奉 欽依河防四要疏

計開

一本部院原題查得弘治三年

令各府州縣管河官帶領家人專在該管去處管理河道不

許私回衙門營幹他事

大明會典一欵 凡府州縣添設通判主簿及關壩官專理河防之務不許別委幹辦他事妨廢政務違者治罪河防一覽內載萬曆十六年該工科都給事中常居敬條議定賢否專責成二欵吏部覆奉

欵依近年管河佐貳等官多有營求差委妨廢職務不行用心防守的總理衙門務遵勅諭拏問重治不許姑息

又天啓五年本部院條申前例工部覆奉

欵依俱依議著實行欵此無柰日久弁髦何也今遇有成案

府州縣衛所管河官凡伏秋水泛重運盛行之月既有官民二守疏築濬三工風雨晝夜四防必以河署爲家而後得專精職業可免疎虞不許道府曲徇情面聽河官擇印鑽差或薄爲外臣故委以遠差難印達者府佐以營求特察其餘牒例拏問卽達

制道府亦并糾罰庶人知息競河鮮曠官所當嚴飭一也

前件 工部

覆如河官專治河

祖宗朝屢旨申嚴不許管幹他事今府州縣衛所管河各官

多營求擇便而道府亦每曲徇夫河堤衝齧不常修守
時時喫緊伏秋重運隄防更急管河官一有營求別差
之念必且曠廢職業即勉駐河干終屬塗塞應如河臣
議凡管河府佐官營求別差即行特疏糾叅其餘俸貳
等官照例拏問道府聽徇并行叅處庶各官得專心河
務此嚴飭者一也

一本部院原題凡沿河印官陞轉若在行運之時且免
叅辭上司帶印遠出必責令率河官撈淺催備保會封
過盡或新官既到或委署有人申臣衙門批允

任如河官陞轉司道府必要將經手工程錢糧一一查
交與接管官明白申臣衙門批允方許啓行使河事不
廢半塗即銷筭亦得清楚臣又查得近報該吏部題奉
聖旨據奏凡既經陞轉官員久戀原缺即當革職還行撫按
提問欽此臣奉此以繩濱河饋運之臣于不肖者惟恐
其營留壞事有賢能者又慮以速去卸肩非係運月不
在此限所當嚴飭二也

前件 工部

覆凡陞轉官員近奉

明旨不敢久戀原缺第濱河印官濬淺通漕責係甚重若陞
遷在運行之時合照河臣議一切叅辭徑行傳免仍俟
全幫過盡或有新官接管方許離任併將任內經手工
程錢糧交盤明白申報總河衙門詳允方許啓行如謂
五日京兆惟以速去滋悞定罪不恕若非運行之月仍
不得藉口久戀此嚴飭者二也

一本部院原題凡府河官缺即當以府廳帶管如委之
州縣則體礙而難行凡沿河州縣官缺即當以府廳或
鄰邑之賢者兼署如聽營于佐貳教官則權輕而入玩

凡州縣管河官缺即當以本縣鄰縣佐領之能者代理如付之候缺倉廵則腹饑而思飽最易爲猾書積委與大老夫頭所玩弄卽教官佐貳署印且然况其下者乎臣有慨于頃者張秋管河通判缺始則任

察處張士維戀管繼而以府屬壽張縣知縣暫攝已又以署陽穀縣事通判李文林兼管一月之內三易其人又有慨于東平州管河判官缺武城縣管河典史缺委署朝更夕改臣亦莫知適從此如故城縣印署以訓導而管河典史程其事又遠差解銀漕縣印署以教諭而帶

河又係候缺巡簡人既不存政于安舉此等棋局皆起于贅視河臣而不遵

令甲之過也臣請恭誦

會典一款凡漕河事務悉聽典掌之官區處他官不得侵越
又一款凡府州縣管河官及閘壩官有犯開具所犯事
繇行移巡河御史等官問理別項上司不得懷挾私忿
徑自提問今後干係河漕委署提問事件司道府官斷
當照例聽臣衙門與總漕巡漕漕道詳裁區處就中更
有專制兼制之分勿大家漫不照應而獨使河臣受責

所當嚴飭三也

前件 工部

覆府州縣管河官以河爲事員缺代署自當聽河漕衙門詳委近來委署紛更河臣不相聞問又或庖匪人掣肘悞事而獨使河臣受責查

會典開載管河各官悉聽河漕區處今後府廳管河官缺以府廳帶管沿河州縣官缺以府廳或鄰邑帶管州縣管河官缺以本縣鄰縣佐領帶管該司道府備加遴擇申詳總漕巡漕漕道各衙門詳允區處不得聽令佐貳等

官規便營求其教官及候缺倉巡易爲委胥玩弄尤不得委管致悞河務如不申明河漕衙門而徑行徇用責在司道府臣此嚴飭者三也

一本部院原題開座額夫例有專役臣查

會典一款凡開壩洪淺夫各供其役官員過者不得呼召牽船又問刑條例一款凡運河一帶用強包攬開夫溜夫二名之上撈淺舖夫三名之上俱問罪旗軍營邊衛民竝軍丁人等發附近各充軍攬當一名不曾用強生事者問罪枷號一箇月發落臣昨晤巡漕御史王邦柱

于濟告以此出嚴禁開官迎送不許撥淺夫一名赴舟
牽攬恐以巡河反妨河務漕臣首肯近據管泃河通判
楊行恕揭報浙江領兵遊擊邵師嚴凌虐官牌茶亂漕
規一事見批濟寧道查明另議謹先拈出以戒將來今
後除臣舟行不用閘夫一名外本管司道以下及經過
大小官員俱不許呼召閘夫有妨本役違者察治再行
各印河官將所占僛淺夫通查退出限一月內府河官
具冊呈報司道覈實詳臣以憑著發工所仍嚴禁勢豪
衙役委老人等用強攬當違禁生事包買工食需求常

例等弊各開官牌尤不許勒索商民舫船爲暴河渠并賄啓偏漕走洩水利犯者拏問追贓所當嚴飭四也

前件 工部

覆閘洪淺溜額夫專供河漕挑濬之役自豪猾攬占夫傭輒苦不足又往來客使呼召牽挽舂鍾之夫反供迎送應令河臣通行司道印河各官及經過官員不許呼召閘淺等夫赴舟推挽并行印河官將實在夫役逐一查驗就中所占僱淺夫盡行清出冊報司道轉詳總河衙門仍嚴禁攬賣等弊違者照問刑條例問罪發落其各開

官牌勒索商舶以及賄啓偏漕等項照例追贓究擬仍
大書榜示申明禁絕爲何漕永利至于浙江遊擊卹師
嚴紊亂漕規已經河臣查議應行參奏著爲後來榜樣
此嚴飭者四也奉

聖旨河官營差規便員缺輕徇濫委及運行之日借陞急卸
皆繇總巡諸臣不實心任事以致積玩成習至攬占淺溜
等夫併勒索商舶諸弊禁例甚嚴如何全無釐飭這覆議
四款深于河運有裨務著實舉行有違奉不恪的著總巡
衙門指名參來重治勿但以條奏了事

淮揚河道開工疏

總河部院朱光祚 題河屬估計歲修臣履任伊始獨見
南河分司徐標詳冊最爲清楚蓋其會計之先親勘已確
鳩工之日程督又勤報完之後綜覈更密所以儀真攔潮
閘旋圯旋修不二月而告竣今年重運通行無阻止費銀
二百一十五兩五錢應准開銷至山陽縣高堰石堤爲
陵寢淮安保障如關廟三元廟二段先急工而辦實料估銀
二百八十六兩七錢七分除上年省存石料外實談支淮
庫八十三兩八錢七分絕不襲往年乘急浮估弊 江都

縣廣惠關批兌辦料銀四百兩於今八閱月矣前人以回
空通運有待未修而標則乘糧船過淮已盡之暇亟請責
成印河官同心共濟庀料興工仍不憚先之勞之除虛課
實計異日工完之後尚有省存此皆不容已之役與不可
省之費既得其人俾之及時料理漏卮可塞永賴攸資此
臣所以簡閱徐標津津條議鑿鑿躬行雖徵既往以信將
來尤備責成而殷屬望相期爲

陵運民生三大要共矢一肩勤思匪懈者也除批行一面興
工一面候題俟工完之日行司道專委淮揚二府推官

會同該府河官逐一查勘果否完固方准開銷如有省存
仍留貯庫再取官夫限年賠修甘結一附卷一報臣以備
伏秋水泛查考追究謹將南河三案工銀照例題

請伏乞

勅下工部酌議行臣轉行南河分司淮揚二府管

河同知通判并江都山陽二縣印河官一體遵照上緊修
砌工完報覈勿踵往歲因循苟且之習自干明罰爲也奉
聖旨工部知道欽此欽遵工部 題覆爲照淮揚歲修三工
皆南河郎中徐標所轄之工也儀真欄潮閘實用工料該
本官所親見者共二百一十五兩五錢業已工完通運應

准照數開銷高堰石堤原估工料銀二百八十六兩七錢七分爲河臣親勘確估之數除崇禎元二三年省剩石料銀二百二兩九錢外該支淮庫歲修銀八十三兩八錢七分估既不浮第須覈工作之堅瑕耳江都縣廣惠閘先經前河臣李若星批允辦料動支揚庫縣閘銀四百兩前以糧船絡繹興工有待今徐標議乘連艘盡數過淮亟圖鳩倂應支發錢糧刻限報完料實工堅方准銷案仍各取官夫限年賠修甘結以備查考既經具題前來相應覆

請恭候 命下臣部行令河臣轉行各該管官遵奉施行奉

聖旨這淮揚關座等工已修的准照數開銷未修的着既辦料鳩工刻期報竣仍俟覈實銷案

淮揚河道工程疏

總河部院朱光祚 題淮揚二府所屬山清高寶江都五州縣或當黃淮交漲之衝或聚湖山并發之水兼以去年雷雨肆虐平地亦成巨浸一線漕堤時時告決四圍澤國浩浩無涯全賴司臣徐標始而往來搶救繼而築塞決口終而獲勘歲修所估用者皆不得不實用之數所駁減者皆非圖虛節省之名聞其自夏歷秋徂冬及春總浮濫泛

宅之曰胼手胝足之時良亦苦矣今南河一帶決口開座俱已修築盡完通漕無滯皆其獨任怨勞之力也所據會詳五州縣歲修山清二縣共估銀二千九百九兩六錢二分高寶江都三州縣共估銀二千二百六兩六錢既係再三勘駁保無虛冒臣已批令一面興工一面候

題俟完日專委淮揚二府推官會同府河官逐工查勘果爾完固方准開銷如有省存仍留貯庫取各實收并官夫限年賠修甘結備查謹將二府工程銀數照例題

請伏乞 勅下工部酌議行臣轉行該司道府廳及各州縣

印河官一體遵照施行奉

聖旨工部知道欽此欽遵工部題覆爲照淮揚所屬潁河
州縣自去年河湖交漲漕堤所在告決歲修工程萬不可
緩今據淮屬山陽清河二縣共估用工料銀二千九百九
兩六錢二分揚屬高郵州寶應江都二縣共估用工料銀
二千二百六兩六錢業經司道悉心裁覈河臣酌允具題
合無依議山清二縣河工准千山陽縣庫貯河道歲修銀
內動支二千九百九兩六錢二分高寶江三州縣河工准
于江都縣庫貯餘閑等銀動支二千二百六兩六錢鳩工

辦料責令該管河司道官率同印河等官躬親督覈務期
費省工堅以裨河務工完查勘 奏繳仍取官夫限年賠
修甘結以責後効既經具題前來相應覆

請恭候 命下通行遵奉施行奉

聖旨是

淮安黃河決口工程疏

總河部院朱先祚 題山陽黃河二決口自去夏至今築
堤塞決之議久而未定今雖議已定而工艱費鉅猶若相
顧躊躇者非玩非吝也當水勢汪洋之日莫測淺深比臨

流探估之後又嗟匱詎據初估離決口三百丈擇淺處築月堤一道費至一萬四千一百餘金尚非長策臣何敢允迨駁查數四各官具揭回文不曰利害重輕驟難決擇則曰三難十慎誰敢輕承只待總漕臣李待問遇臣泗上相與講求便計力任親勘以決之於是臣北歸謝 嶽而漕臣率司道廳縣取中河委官掃丰集諸阻風淹溜三日然採衆思主於必塞廳縣官乃敢倣例會估量得新溝口長三百五十丈中泓二百丈深一丈三四尺不等餘皆六七尺估工料二萬七千八百七十兩六錢五分

百六十五丈中泓一百丈深一丈三四尺不等餘皆六七尺估一萬七千六百五十九兩九錢九分司道覈爲必用之需稟勿再削撫按促爲難緩之後亟望興工斯皆饑溺之極思也臣何敢不允但錢糧用四萬五千五百三十餘兩原文虛無坐項在司道稔知淮庫之實在無多美在督臣亦苦時艱難於舉廢而思臣之逢於上聞也則以二邑士民日日擁告山陽願捐銀七千兩鹽城願捐銀一萬兩以佐官帑之誦勉臣以此思民情民情大可見臣力欲竭而心滋苦矣然臣在河言河除移咨撫臣行牌司道催

追山陽一縣積欠八年內河道項下梁頭四稅折夫繇開銀五萬一千三百餘兩而先儘崇禎三四年三萬六千七十六兩不足則動各省直解淮修河二升米銀再不足請還總漕臣客春借造燬船銀一萬五千兩行令府縣官催追辦料務如百日完工之限勿長二縣維魚之苦此臣之職分也若士民義助聽撫臣以樂輸勸之臣何敢與焉至於募夫四千名日食三分歲值大侵以工寓賑就近募山鹽二邑之貧民而有餘似不必遠取揚州各屬使工房委官科富削民遠滋騷擾且夫決口有長短則夫料當分多

寡乃新溝三百五十丈用夫二千名募值六千而蘇嘴一
百六十五丈少一百八十五丈者亦用夫二千壯婦土牛
浮估強半可乎斷當議裁若工已完矣四千夫散矣每名
議犒賞二錢此八百金誰人領受則又可已此臣節愛之
鄙見也惟驗料督工最宜得人容臣與撫按二臣專以此
工責成郎中徐標暫駐淮安府會同該道督率同知趙應
垣徐朝元通判劉文蔚知縣王正志馬文耀等選委殷實
忠誠委官實料實工實實省試可裁者裁勿拘原估之數
當用卽用勿於大計有妨庶幾二大決口可回仁於河伯

四萬五千金不浪委於逝波耳再查原詳未議徐朝元以見署府印故今則新知府將到而趙應垣專管山清又有高堰危堤一工不妨並用分理者也除一面允令興工一面檄駁覆覈外謹將估計工程銀數先行題

請待工成徐議內外石堤遙堤縷堤以垂久遠此異日事非今所能逆睹也伏乞

勅下工部酌覆行臣轉行南河司道督同各該府佐印河官一體遵照上緊辦築如限報完行委理刑官同該府與各經手官逐一丈驗實有一分工程方准一分銷案

冊繇司道會勘明白竝將應薦獎戒官報臣詳覈

奏繳以示勸懲仍取限年賠修甘結附卷願諸承委者職要
職詳倍宜清慎勿踵往歲因循冒破之習自干明罰焉也
奉

聖旨工部知道欽此欽遵工部 題覆看得山陽縣新溝蘇

家嘴二決口河勢直趨山盟諸地並罹墊溺河漕諸臣會

議築堤塞決估用工料價銀四萬五千五百三十兩六錢

四分五釐河臣朱光祚議將山陽縣積欠八年河道項下

銀五萬一千三百五百餘兩內先儘崇禎三四年三萬六

千七十六兩動支應用不足則動修河工米銀與請還借
造燬船銀此固本項正支乃漕臣李待問又以工役甚迫
而河鏹舊欠不能猝應工需議從士民之請動支鹽城縣
借買米銀一萬兩山陽縣暫借富商銀七千兩先行鳩役
一面徵派抵還臣以爲新蘇二決築塞難遂必以山陽縣
數年積欠追償應用恐一時未可驟得今鹽城既有見解
貯買漕米銀一萬兩山陽縣又見有借商等銀七千兩係
士民義貸願于地畝派還似亦不妨取估工費但災邑何
堪派畝卽應于山陽縣積欠河銀內照數補還就借漕米

貸當商二項纔一萬七千金其餘錢糧勒令山陽湊足前
數庶百日工限可以剋期報竣至召募之役卽于山鹽二
邑就近募用不必遠調各屬其蘇家嘴裁夫及裁犒賞應
照河臣議可省卽省勿取足于原估之數至如督工辦料
并如河臣議責南河司臣淮海道臣督同府州縣印河各
官實實料理仍取限年賠修甘結以責後効旣經具題前
來相應覆 請恭候

命下通行遵奉施行奉

聖旨依議卽着李待問朱光祚嚴飭道司各府州縣印河各

官上緊實心料理務期費覈工堅永垂利賴各官仍俟竣
役方准陞遷不許營徇規卸諛衙門知道

淮揚閘座堤工疏

總河部院朱先祚 題崇禎四年六月內准工部咨該臣
題修完揚州府儀真縣攔潮閘應銷銀二百一十五兩五
錢又修淮安府山陽縣高堰石堤二工應支銀料共二百
八十六兩七錢七分揚州府江都縣廣惠閘一工應支石
工銀四百兩奉

聖旨工部知道本部覆奉

聖旨這淮揚閘座等工已修的准照數開銷未修的着即辦
料鳩工刺期報竣仍俟覈實銷案欵此欵遵移咨到臣轉
行辦修去後今五年三月初五日據管理南河工部郎中
徐標呈據淮安府管山清河務同知趙應垣覈詳高堰石
堤原估銀料二百八十六兩七錢七分內領淮庫銀八十
三兩八錢七分并廠存舊料委管河主簿何出圖修補過
關廟武家墩等處石工餘因水餐未敢輕拆止用工料銀
九十五兩五分省石料值銀一百九十一兩七錢二分在
廠又據該司呈據揚州府管河通判彭應選覈詳江都縣

廣惠閘原估銀八百兩前院批准先支繇閘銀四百兩不足再動別項本院題 報照准數辦修蒙本司親詣費數實實工堅比舊閘添石一層計楞木椿木青石麻石油麻米汁灰鐵等料用盡四百兩無加到司本司查驗委無虛冒應准關銷取各限年甘結并存料廠收附卷詳臣爲照高堰乃淮揚保障四年分應修石工皆臣所目擊手記者據估添料與匠作之需該二百八十六兩七錢七分今歲銷止用九十五兩五分餘存舊石值銀一百九十一兩七錢二分則以水災尚有未興之役留待五年者非文

都廣惠關係瓜洲運口初估工料八百兩繼又加至九百五十兩臣止題定四百兩今雖用盡較之舊石加高一層則以司臣徐標先勞省試之力下不能欺故臣以四百兩具題而用即如其數而止彼承流于下如同知趙應垣通判彭應選同心節愛不可泯也臣既覆覈無異相應奏銷其用過銀料細數照例于年終歲報冊內類繳伏乞勅下工部查覈註銷施行

高堰堤工疏

總河部院朱光祚 題高堰石堤俯視淮安城郭所關民

生利害重矣且也有此堰而後清口之淮黃始快合流之勢以清之全刷濁之半下裨運道上益

陵園此其相關又何如巨且急者自去秋霪雨爲災黃淮交漲飄搖艱飢幾不可支賴司道各官殫力修救僅保無虞初據廳印官勘修估一萬二千餘金臣頗難之駁司道覆減至再實用工料銀七千六百一十七兩六分議動歲修夫亦擇其最急者先圖之耳蓋堤長百里不分緩急并舉爲難司臣徐標廉而能任淮揚一帶運道嘉賴已三年矣惟勤惟實克盡克威其幹國如家視夫君子之政中外

共知之頃者山陽新溝縣嘴二決口估銀四萬五千五百三十金上自撫道下至士民無不願借手共濟而此工又費至七千六百餘金當此時詘舉廢之日不得善任怨勞之人其何能濟臣思若專以畀之于撫使其移駐淮安與道臣周汝璣同心督理選擇府廳等官隨宜委用實料實夫實實省試當用即用不必節省之名可裁即裁勿庸徂一成之案將塞决修堰二工不日可落成也本官差期將滿前見邸報吏部議推真定淮安知府疏曾以薦幹上聞則臣之非阿私所好借工留人可知合請

勅下吏工二部酌議將徐標留任南河或加銜久任以責成功或俟二工完日從優叙擢統聽

聖裁竊念水土之事原有專門虛浮之奸釐于習者臣于淮揚一帶河道憂深慮遠凡臣之所欲言皆標之所能爲者已干塞缺歲修疏內約畧數陳品才具見敢因題報高堰工程而再及之伏乞

勅部酌議行臣轉行司道府縣各官一體遵照施行奉

聖旨該部酌議具奏欽此欽遵吏部題覆看得撫按之在地方所與共保境安民者全在材賢得力之官官必入人

應手而後地方在在蒙庥所以遇一材且賢者珍之惜之
視遷而之他不啻奪諸其懷也據督臣朱光祚于徐標撫
臣熊文燦于桂紹龍等魏光緒于尹伸各有保留之疏其
各從地方起見自不必言備查議留各官皆賢者今徐標
桂紹龍等見在地方未經遷轉自應如其所議俟各官資
俸及格或加銜或就道各隨宜用之本地以收輕熟之效
奉

聖旨是欽此

工部

題覆看得其堤石堤爲淮黃第一

保障去秋洪水橫溢幸以修防無恙今河臣朱光祚以險

急工程亟宜補救覆估工料銀七千六百一十七兩六分
應准照數於河道歲修銀內動支償工竣後完日覆銷至
於督覈工程河臣議仍責成南河郎中徐標與淮海道臣
周汝璣協同督理徐標實心敏幹久爲河漕嘉賴頃山陽
縣新溝蘇嘴塞決之役漕河諸臣既以信任顯屬應將塞
決修堰兩工責令料理務期工可永賴至於留任加銜一
節已經吏部覆議俟資俸及格或加銜或就近各隨宜用
之本地以收輕熟之效工程報竣之日聽吏部將本官另
議加陞既經具題前來相應覆請恭候

命下遵奉施行奉

聖旨依議

淮揚搶救塞決二工疏

總河部院朱光祚

題臣惟黃運二河冬春之交有歲修

三法曰疏築濬其常也伏秋水泛之日有防守六法曰官

民二守晝夜風雨四防亦其常也忽然變起非常如昨歲

霍雨六旬江海河湖並漲淮揚一帶堤岸平者危矣危則

有搶救之工官夫不分雨夜竭死力以與河伯爭一旦之

命于是土上加土埽外加埽運廠料支庫銀用夫力皆不

可以預計亦難等待申詳但救得一尺即免潰數丈數十
丈是也救之不得而危者傾矣傾則有塞決之工或衝口
未深而即行堵塞或莫能爭銳而徐俟水枯此則夫料可
以估計待詳但緩急相時斯多寡有節是也臣請先言搶
救之工案查崇禎四年十月二十七日據管理南河工部
都水清吏司郎中徐標淮海道副使周汝璣揚州道僉事
柴紹勲會詳爲靈雨山水異常淮黃泛濫堤岸可虞等奉
臣批允責令官夫晝地輪班晝夜巡視加謹修防于是
八兩月司道不憚苦辛出入泥淖之中董率搶築今幸河

水漸消各堤盡露所有用過銀料親詣查勘面與各屬約
必功成不毀者方准入冊如漂蕩無存者不許開銷節據
淮屬山陽縣申報裏河一百一十里漕堤各閘座及高家
堰四十里外河王公堤用過搶築料銀一百三十兩三錢
一分清河縣申報裏河通濟閘外河天妃壩用過搶築料
銀二十一兩四錢揚屬高郵州申報搶救南北中三堤并
塞過兩金門閘用料銀二百六十兩三錢九分寶應縣申
報九淺各堤用過搶築料銀四十四兩一錢八分江都縣
搶築六淺各堤用料銀九十五兩二錢五分造冊到司隨

經本司請工按冊查果工有實益料無虛開各宜准銷詳
臣臣批俟回空盡南新運盡北兩無遲滯方允題

報今則糧艘過淮有日矣此五州縣搶救危堤一案實用河
銀五百五十一兩五錢三分所當准其開銷者也請又言
塞決之工五年三月初五日據該司道會詳先于四年十
月奉臣批覈山清高寶四州縣各塞共估工料銀八千四
百二十一兩六錢行司親勘必須實用方准量支遵依行
據管山清河務同知趙應垣覈詳山陽縣初估裏河萬僧
塔驢市新挑溝張道官廟楊家溝頭舖二舖河西將軍廟

烏沙河楊家廟十次工共集銀五千二十二兩六錢再
減三錢去銀八百七十八兩三錢實缺支四千一百四十
四兩三錢今查勘板開驛市于四年八月初八日完工新
挑溝九月初十日完工張道官廟楊家溝九月十五日完
工萬僧塔十月初九日完工二舖頭舖十一月十八日完
工河西將軍廟十二月十七日完工烏沙河十二月二十
六日完工楊家廟五年二月初十日完工共用過價腳銀
三千七百五十八兩九錢餘在庫銀三百三十三兩六分
零在廠料值銀五十二兩三錢三分零二項共省存三百

八十五兩四錢零清河縣初估通濟月壩丈華寺壩運河
裹頭三决工共集塞銀一千七百一十二兩七錢五分再
減三減去銀二百三十四兩九錢九分實該支一千四百
七十七兩七錢六分今查勘文華寺壩于四年十二月初
三日完工通濟月壩十二月二十三日完工運河裹頭五
年正月二十四日完工共實用九百四十一兩八錢六分
餘在庫銀五百一十兩一錢六分在廠料值銀二十五兩
七錢四分二項共省存五百三十五兩九錢又據揚州府
管河通判彭應選覈詳高郵州初估車邏鎮清水潭二决

工共築塞銀六百三十五兩五錢九分駁減去銀九十四兩三分實該支五百四十一兩五錢六分今查勘車邏鎮于四年八月二十二日完工清水潭水深二三丈險溜之極挽築月堤用料甚多于閏十一月初十日完工共用銀五百四十一兩五錢六分無剩實應縣初估子嬰溝閘江橋汜水月河四大決工共築塞銀三千四兩五錢七分再減三減去銀七百四十六兩五錢九分實該支二千二百五十七兩九錢八分今查勘月河于四年九月初八日完工汜水十月十六日完工江橋十一月初六日完工子嬰

溝十二月二十二日完工共實用價脚銀二千一百四十
四兩三錢一分省存銀一百一十三兩六錢七分以上四
州縣十九工通共原估八千四百二十一兩六錢實用過
七千三百八十六兩六錢三分省存銀料共一千三十四
兩九錢七分冊報到司該司道會覈明白前非浮估後無
濫用當霜降水落之後向之估用三埽者減爲二埽二埽
者減爲一埽有先議埽樁者土基既現止用樁笆外護內
築實土故山陽清河寶應各有省存而高郵以清水潭一
工水深險溜費料獨多故雖印河官別有借助亦不敢再

爲請益矣所有用過錢糧應准開銷印河各官本司在工
親見其出入泥淖餐宿風霜畢力辦修殫心堵築全幸民
居已有平土重運北挽如飛似應優叙以勵將來各詳到
臣覆覈無異批允候 題此四州縣塞決一案實用河銀
七千三百八十六兩六錢三分所當准其開銷者也爲照
淮揚一帶河道歲修堤岸以濟運安農其常也而搶救與
塞決則變矣惟

天災流行偶值非常之變故人事搶攘難拘不變之常憶客
歲久雨橫流淮南上下數百里黃濤白浪一望蕪

天幾乎無城郭人民矣安問漕堤所賴司道諸臣拚身命忘寢餐以修搶救之法急保數尺一丈即可轉前目幾十丈百丈之危實用一金數金即可省異日十百千金之費雖云焦頭爛額亦與曲徙同功而查高郵江甯山清五州縣所救危堤甚多乘急開支罔敢溢濫比及水消堤出估築決口料繇多而減少夫課實以除虛程工五月有餘報塞一十九處原詳銀八千四百二十一兩有零尚省一千三十四兩此皆司臣徐標相寒暑雨忘勞心口手眼具到道臣周汝璣柴紹勲分猷率屬省試惟殷同知趙應垣通判

彭應選胼胝殫力知州王體蒙知縣王正志吳弘功闢家
祚李士襄鳩脩有方之所致也似應甄別紀錄以勸將來
所有五州縣二案用過河幣七千九百三十八兩一錢六
分既經回空重運通行無阻司臣揭稱于馬上舟中覆覈
明白臣查無異相應具題

請銷其銀料細數照例于歲報冊內類繳伏乞
勅下工部核覆開銷施行

飛報淮黃汜濫疏

總河部院朱光祚 題爲淮黃汜濫異常

陵運民生可慮謹據文飛報等事崇禎四年七月十七日
據管理南河工部郎中徐標呈爲積雨異常萬水陡發淮
黃泛漲滔天湖河堤岸可虞事查得本司所轄淮揚沿河
高寶江儀山清六州縣山水暴發各湖驟長堤水平漫官
夫修防各情形業已報驗去後比有黃淮併漲淮水更強
南有諸湖山水尤暴又兼靈雨累月匯注諸湖汎濫漕河
一綫土石堤岸水踰堤面三四尺諸城內外水亦深四五
尺本司多方救護上加客土二尺餘一晝夜仍復相平堤
浸水中滲漏難支卽柳草椿笆撐抵廂護止如救瘡寒丸

先是水初長時即詣各州縣芒稻河子嬰溝天然壩黃浦
口涇河澗河等開凡通江通海閘洞盡開乃雨日甚一日
水日長一日終難驟消奉總漕部院憲票責令詣淮相度
估計工程應築塞者即便支銀辦料集工詳明河院奉此
本司只得舍此顧彼到淮查勘父老皆謂此處無三年無
水患無三年不河決如此大變則數十年未有目擊兩岸
水漫堤上胥溺號呼之狀實可矜憫淮城四門積土以待
閉塞而昏墊居民數百人喧囂盜掘無可柰何本司苦心
修救不遺餘力又據泗州等處報稱該州縣積雨四十餘

日淮水驟漲將近

祖陵除嚴行防護外且高堰爲淮揚大保障水亦平堤尤屬
險害隨令同知徐朝元駐堤修防但今水勢日增各堤漸
塌變出異常惟仰仗

聖明洪福從此雨止水消河漕幸甚十八日又據該司呈爲
目擊淮黃汎濫災變異常

陵寢漕運城社民生危險可慮仰乞速行查勘會

題以圖保護事竊照淮揚等處四瀆交匯萬水爲壑無三年
不受水患者自四月望後大雨月餘揚屬高寶江儀一帶

西受二十四塘三十六湖七十二澗之水白浪連天東則
江盈海溢田舍爲沼本司將旁通支河開洞盡開仍跋涉
泥中指示四防二守之法分人限地曉暮循環以一綫堤
與稽天之浸相持數十日擬上源水緩猶可徐消溯流詣
淮見淮黃下注勢更洶湧田廬盡蕩男婦號奔再過清江
至黃淮運口與清河縣知縣閻家祚登甘羅城四望水天
茫茫不辨淮黃止見土堤如穴消膏民屋如風捲葉父老
皆謂從來未有之變而泗州盱眙

祖陵所在又報水擁四門勢更危急此時尚屬三伏猶慮秋

水再漲更未可測除躬率官民或守護或遷徙或堵塞或開導以救淪胥於萬一及呈總漕部院移會各院道會議查勘外擬合呈報據此卷查七月初十日據淮海道副使周汝璣呈爲緊急河患事行據淮安府知府呂奇策親詣涇河看開南北二閘口以殺水勢俟稍平即塞至于近城各涵洞不宜盡開恐沃壤淪沒居民陸沉呈詳到道因係緊急河患未暇申請先已開放仍相水勢稍殺旋宜閉塞到職該職批涇河閘二口既道府親勘宜開暫洩內水以保城池誠爲防患急著但水勢稍殺即宜議閉勿見目前

而忘遠慮也除批行外職即行牌差官爲勘水防堤事照
得入夏以來黃淮一帶水汛日長一日淮上三城幾有浸
灌之虞雖賴道府勘開涇河閘口內勢略殺然伏秋水勢
正高未可偷安旦夕至於逼近泗州歸仁堤高家堰徐州
魁山等處上關

祖陵蕪之運道民生尤爲喫緊與其事後議築議塞勞費無
補不若三守四防一遵舊例各印河官嚴督官夫預堆物
料移駐河干相機謹守之爲得也合行差官會同各印河
官前往歸仁堤及挑清高堰淮安泗盱一帶查勘各堤水

勢并該管河委官夫老人等果否駐止河濱率夫積料晝夜防守如有緊急即時發塘馬緩則二三日一報急則一日二三報以憑親臨調度如仍遵行不恪防守疎虞從重特察決不姑息慎勿泄泄沓沓分委聽用官姜興文徐日昇一往歸仁堤淮揚等處一往泗州盱眙去後再查七月初二日先據南河分司呈爲

天雨異常山水陡發湖河泛漲堤岸可虞事報稱淮南地方傷雨四月十八日迄今二閱月雨水無間每日報景二三次木等各屬地形如釜一綫漕堤水浸臨月恐有虞

夜責官夫傳警防護疊據高郵州寶應江都山陽各縣印
河官揭報暴雨數旬黃淮交漲漕堤十分危險請乞辦料
分救到司除酌量批行外本司勘得欲嚴修防急在備料
若候題咨買辦緩不及用一面暫借各戶木柴等料創
椿編笆以備急需本司親發完日詳銷可保無虞到職談
職批本院前檣棹張秋皆虞

湯禱獨慮

堯咨或曰此不必然之計也今果然矣二月霪雨害於塗盛
已不勝爲稽事憂況

陵園運道所關更重何至今日方請辦料仰司會同淮揚二道嚴行各印河官應料理者上緊料理應巡行者作速巡行應駐守者隣河駐守星夜辦料督夫務盡二守四防之力以捍不虞勿得怠忽貽患飛文申飭取依准繳職又嚴行各司道爲申飭飛報水汛以防河患事仰即轉行印河官今後凡水汛河工緩則一日二日一報急則一日二三報俱於文內封上註定日時發塘馬飛遞仍督令各官領夫駐宿河干務遵防守成法不得斤劑怠忽該司道仍不時巡查動情敢有執拗不服調度以致尺寸疎虞定行叅

處斥逐一切調夫工食依時給發以示鼓舞或有仍前扣
勒誤工者不問是何衙門吏書掣解究遣此旨目下防河
至緊之務大小衙門均宜恪遵去後又據中河分司郎中
屠存仁呈報今歲徐呂自五月以來黃水驟漲六月中旬
陰雨連綿其勢愈大職夢寐驚惶除身閱申嚴外今又奉
頒劄再三俾常日顧謚憲諭諄諄真不啻父師之爲子弟
也又據潁州道副使吳道昌淮徐道右叅政劉泓淮海道
副使周汝璣邳宿河務同知胡賓徐屬河務同知孔從先
帶管山清河務同知徐朝元清河縣知縣閻家柞等各報

月日水汛危險蕩析情形大約相同復接南司徐標一揭
自四月十七日始雨民有珠玉之喜不意疾風恒陰積四
十餘日職率官夫保守漕堤累月大呼不翅如張許之守
睢陽雖危未倒斷斷乎仰仗

聖主洪福陰有神助父老驚傳以爲數十年來異變至水近
泗陵往年曾主分黃導淮之議從桃源等處引黃而東可使
清河口黃弱淮強今安東山陽等處各口分決黃流下海
最近黃日洩而淮猶強高堰一堤水與石平雖以全力固
守西風一浪震撼可虞幸四五日內雨止風平人心稍安

問它州縣尚有水雹如驚卵所望一空者有大風拔屋人畜并捲落數十里者有海水上溢百里民不敢居者種種災變殊異常聞此時職惟以守漕堤爲主相機堵洩應用料銀乞許先發後詳職回以事干拯溺動銀支料一聽便宜可也又一揭淮揚一帶田廬運道城池多被水衝上至清口見水愈溜愈急豈止車馬難行即舟行亦多危殆向非文華寺壩決而南入新河清江浦驢市決而北入西湖烏沙河決而南入南湖三城壩決而東繇聯城入澗河則淮城之沼久矣清河縣如一小洲高堰水與堤平天妃壩

上亦水二尺餘大可駭愕此等大災不止堤岸潰決似各衙門情狀隱隱欲推一河官夫河官能遏淮黃之水不東南能止數十日傾盆之雨不下半時時據本部院手札牌檄叮嚀告誡各屬務要實心共濟危在地方各有責成若盡護管河一官此豈尋常漕運事耶今尚幸黃水爲淮水逼而寢北淮入清口者止得其半下有通江海許多涵洞洩之不消則淮强可知轉盼秋水再漲西風助虐恐淮黃江海混流東南事更不可測伏乞早爲會

題以便同舟相呼連揭到職職讀徐標此揭詞危心苦力殫

修防蓋以全副精神捍河漕半壁者也為照職自入境謁
陵之初陸高堰堤上見湖底白沙一望無際想像伏秋水發
之時天風海濤不知洶險何狀心切憂之已見卸石堆土
措置未當似年來河官全力專用之于償漕而河身日高
桑田日變未暇察也幸驟雨時行壅而未潰大家且相安
于無事職過宿遷縣探量天啓五年最大險溜一處如磨
兒莊開石已入水七八尺益見水繇地上沿河州縣形勢
愈低竊慮黃河水性必有變遷故亟亟焉討錢糧入夫之
虛實以備不虞而或者病臣好察也不知治河無它法惟

庫有實銀夫用實力管河官實省試而後築者可堅濟者可深壅者可導危者可平順水之性而不與之爭

陵運民生端必賴之不意入夏以來

聖明方閔時憂旱繼美桑林而淮揚一帶自四月十七日始雨嗣是暴雨彌月兼以疾風于是淮水強而壓黃黃水逼而且北在揚屬則西爲二十四塘三十六湖七十二澗之尾間在淮屬則黃與淮爭東入于海而海水又上溢百里水日益長兩日益多外者下者既壅則內者上者何洩此祖陵之所以水逼堤根而淮城之幾于爲沼也其羅城巔便

爲行路揚屬堤岸如火爍膏此爲運道民生言耳而

陵園根本之地泗城

湯沐之鄉或導或分審時度勢則非職愚一人之識見與一手一足所敢漫議各處開洞既以救急議開有即當塞者各決口雖聽分流內殺有終當塞者事非一端費難區處爲今之計唯有先講理財有財此有用有用此有人有人此有土舉凶荒盜賊安

陵護運之事思過半矣此變非常未可以疏築濬三法草草行事且伏水雖過秋水正來猶未可干二守四防稍息是

時郡邑各官一官營一官之職業兼有代庖一處救一處之城民難于遠委職一面拜疏恭

報一面南行查勘歸仁高堰堤直抵泗州以衛

陵爲主而民運次之所有分司二臣徐標屠存仁職專治河屬地甚廣不能分身以應邳宿同知胡賓止可守歸仁堤徐屬同知孔從先止可守甌山羊山等堤帶管山清同知徐朝元止可守高堰堤三者此

陵園最關係處刻刻修救不容暫離若一處稍緩又可隨宜往來聽職差用查得宿州知州新陞福建汀州府同知宋

士中天啓五年曾任邳宿河務同知與臣初開駱馬新河五十七里費銀不滿六千心計已大可見今奉

上旨查核六年內歲修四萬三千餘兩錢糧職以五年六年分工多士中管理牌行淮徐道委同知胡賓邳州知州甘學植宿遷縣知縣楊獻吉會集清查尚未回報似宜就近留用以收駕輕就熟之効又有高郵州判官新陞江西都司斷事尹覺豫司臣徐標與漕儲道臣錢士晉先後揭稱本官恩貢種文集堤護運有法曾領銀入山採買高郵堤石料星夜轉運心切急公今水大堤危督工未竣當留任以

竟厥施且便銷筭職思河事當危險之時人皆思脫二官
或查相應河缺填補或許寬限工完赴任此係吏部職掌
非職所得侵越但饑溺深思有試而用非爲人擇地者比
也敢因題

輟水災而併及之伏乞

勅下吏工二部速議

上覆一應防患恤民事宜行各撫按諸臣與職同心措辦蓋
此非決堤小失可專責職與分司官者再念知州宋士中
判官尹覺各有經手工程錢糧未報完銷

奏繳應否以新銜隨職委用候補員缺或止寬其憑限事完
之任統候

聖明裁察賜職可否施行奉

聖旨覽奏河淮漲發水溢異常

陵運所關深切朕念卿會同該撫按道府各官躬親相度悉心設法疏導防護勿令冲决爲患所有河道錢糧原備緩急自當催查支用豈難實銀實夫并委任屬官等事都着該部酌議速覆

奏銷淮安黃河塞决工程錢糧疏

總河部院朱光祚 題據司道二臣徐標周汝璣會呈稱
先蒙兩部院見客歲數月積霪淮黃暴漲新溝河決三百
五十丈蘇甯河決一百六十五丈洪水汪洋蒿目恫心題
奉

欽依亟塞於二月二十五日祭告開工嚴飭經理本司即移
駐新溝同本道星夜僱催淮安府推官王用予支銀辦料
委官集夫淮安府管河同知趙應垣查覈物料省試夫工
與山陽縣知縣王正志糧捕通判劉文蔚殫心協力中介
三工挨次捲下馬頭大埽鷄鳴而起二更始罷不分雨夜

計日課程至五月初一日閉合龍門又恐草埽虛浮即留
趙同知掘取老土內築戢堤上加頂堤督集夫料防守伏
秋保固無虞至蘇甯決口行委劉通判先於兩岸修築裹
頭廂邊以次下埽後連雨暴雨湧深一丈七尺恐違時勞
費無益會議停工以俟水落九月二十八日司道率趙同
知王知縣親詣本口查勘原估一百六十五丈淤墊高濶
橫成大灘可行車馬原估物料未敢輕糜今據申請銷報
詳稱新溝原估二萬七千八百七十兩六錢五分下過大
小埽一千六百一十七箇土牛埽一萬五百八十七箇大

小椿八千九百七十七根并匠作夫工官役口糧等項實
用過二萬一百二十三兩三錢三分省銀七千七百四十
七兩三錢二分蘇省原估一萬七千六百五十九兩九錢
九分止廂築裹頭下過大小埽二百四十箇土牛埽二百
五十三箇椿二百七十七根并夫工等項實用過一千零
九十六兩一錢存銀一萬六千五百六十三兩八錢九分
二工共諒銷二萬一千二百一十九兩四錢三分備用
司道原係親督工料再加覆覈是的爲照河決爲患歷代
苦之至公卿負薪重臣屢遣或數十年常不克績未有如

新溝蘇甯一決四五百丈之大者以黃淮交匯而下其勢
更兇修築之始人謀鬼謀共稱艱巨乃新溝之工三閱月
而告成蘇甯之決不旬日而自塞此皆仰賴

聖德格天河伯助順兩部院恪承

宵旰指授慈飭之效各廳縣官拮据鞭策不愛髮膚或嘔心
支辦或盡瘁經營同心共濟之力若職等雖露處黃沙白
浪間奔馳竭蹶薰面枯形捐七尺以殉之職分宜然弗敢
云勞仰乞覆覈

奏報管工各官應否開陸照舊例量從

題叙以示鼓舞或照工完先賜

題銷使工程錢糧得以清楚具詳到臣先該臣批再行理刑
官覆覈堅瑕查叙大小各官効勞次第衆以往例明確另
詳以憑會同總漕臣酌

題并催五年歲帑以南建義新決口勘估工程去後今據再
詳先奏報完三前來該臣看得四年夏潦積霪爲數十年
所未有通計河南山東與中河南河大小冲決凡三十三
處在淮揚三府者即有二十一口臣督行南河司臣徐標
會同該道周汝璣柴紹勳率印河官措辦堵塞已完一十

九口用銀七千三百八十六兩一一報銷矣獨山陽縣新
溝蘇嘴二口共長五百一十五丈估銀四萬五千五百三
十兩工巨費繁庫無見貯陸續催追湊處勉而竣役在新
溝原估二萬七千八百七十兩六錢五分實用過二萬一
百二十五兩三錢三分省七千七百四十七兩三錢二分
已經伏秋二防可無它慮在蘇嘴原估一萬七千六百五
十九兩九錢九分因伏水漸發一時淮庫止有此物力山
鹽二縣止有此入夫委官止有此員數勒限完工止有此
時日不得不先用裹頭廂邊埽料一千九十六兩一錢二

分以待再舉邀

天之幸決口忽被沙淤橫亘已成通道徐侯堵塞新決之後
另議護堤長策乃知河工因時相利司道諸臣先是博采
衆論不敢虛擲金錢之謂非漫然也二工雖完譚何容易
司臣徐標六月初旬舟抵板閘遭風溺水丰牽一纜飄流
十餘里始得漁船救出同知趙應垣通判劉文蔚於望日
並罹碎舟之厄九死幸而一生此豈尋常胼手胝足之勞
已哉所有司道官徐標周汝璣府廳縣官趙應垣王用予
等五員管工管料主簿周尚義等六員催土趕夫經歷王

問卿等十九員捲帙官孟梅等八名總工辦料運料部夫
耆老義民蘇士龍等二百二十四名隨工醫生程志胤等
九名即當查例叙賞但以蘇甯之南四五里建義村今五
年秋復決二口南口一百四十餘丈北口二百餘丈兩岸
深淺不等臣於九月初七日業已彙

題不次催勘嗣於九月二十一日接司道一詳十月十二日
山陽縣一詳十月二十四日司道再詳十一月二十八日
山陽縣又詳皆言初因水大難估繼約工費較前二口多
至三四倍終言淮庫如洗山陽獨力難擎欲借被災州縣

協力堵塞今雖在冬水尚未涸誠恐探估不的俟司道府
廳與士民會妥方詳而徐標則云此地黃淮交匯山清以
東兩岸原無遙纓二堤伏秋水漲則易漫溢溢於上則下
流緩故淤淤於下則上流壅故決今決口之水漸漸歸漕
正河稍通乘其通流堤漫溢塞旁決挽歸故道似亦治河
之正經若順決東堤水未成河勢甚遼遠又湖坡窪下必
難底績又稟稱建義決口水復歸漕往來渡舟探有深
五尺五六尺者職意急塞旁決挽歸正河水行沙行
可復昔蘇莊朱旺口之決百六十丈塞決止費

挑河則費七十六萬金可鑒也臣查十月終淮庫銀報實在止九千六百餘金憂心如焚勝於已溺再四駁勘必親詣荒度有的數銀項方敢具

題非忍忽視民瘼也此雖於前完工無與然總在山陽境內臣故請先銷已完之工繼

題見估之工而後徐言有功之工一則不泯前勞一則勵圖後効云爾若五年新決工不甚大可以剋期料理者如山陽之涇河清江閘等七決先完其六清河縣之文華等閘壩三決已報通完高郵州之九里決口約初八日閉泓加

築拭目可竣皆司臣徐標一人所經理也所用工料不多
臣皆隨詳隨允動支興作統俟完日覈實彙

報銷等無庸姑待矣除詳叙效勞各官俟新工完日并叙以
重責成外所有新蘇完工應銷銀二萬一千二百一十九
兩四錢三分與省存銀數二萬四千三百一十一兩三錢
一分相應回

奏卽此省存乃估多用少之數見督工諸臣無敢虛冒非盡
實貯庫也其用過銀料細數照例於年終歲報冊內類繳
至於建義決工容臣卽詣親度具

題何敢泄泄蓋原額一年錢糧除拖欠外已完者僅足供年
例歲修之用倘遇洪災大役輒費數十餘萬如萬曆年前
河臣潘季馴一修濟淮南淮北而

請銀六十餘萬前河臣李化龍曹時聘一再疏泐河而

請銀二十六萬前河臣曹時聘一挑朱旺口而

請銀八十餘萬夫二十餘萬舊案歷歷可查皆待給於南北
各部與漕糧馬價鹽課事例者且當太平無事之時亦陳
兵遣將於河干以備不虞師行糧從措處皆在額外今何
時也而臣敢危言大言以煩

宸慮手無問錢糧難措即勘議利害欲遡源而窮流亦未易以旦夕計往事班班具載水部備考中黃河記畧諸條容臣赴淮上斟酌緩急集議

上聞願中外諸臣勿視治河爲小費易事且先圖其最急者而後手足可措也至若徐標在差三載疏河通運甘任怨勞無問臣與總漕臣目擊心折即見在臺班舊漕臣龔一程王邦柱余瑛皆可質問今因差滿不得終駕輕就熟之用於新工臣殊切隱憂似目前會勘相度新司臣未到尚難少此習者伏乞

勅下工部查覈註銷議

覆施行奉

聖旨工部知道

河帑積匱并議目前救急疏

總河部院朱光祚 題臣惟河工之難難於物料人夫如
使庫貯充盈募夫買料計日可辦而又得寔心任事之官
畫地分工舞鼓好義之民協力終事雖難亦易無柰庫藏
如洗每估一工廳印官皆畏難束手蓋淮揚當大浸之後
所在堤防多潰工程小者或百金數十金當年塞而當年

完如四年分南河所屬二府十九口今春已完銷矣即五年新決之十口今冬亦可盡完惟山陽縣新蘇二口工太費繁決在四年之秋完於五年之夏閭淮安官民不勝稱勞稱苦以一募夫日給三分而告不足買料價照淮估而告不足邇估計之始淮庫止有一萬八千金而二工即估至四萬五千五百三十兩它工與額夫待支者尚談三萬餘兩今工完實用過三萬一千二百一十九兩查秋季終庫報實在不滿萬金而匱益甚矣是建義新工各官難於議者不但水未消涸確估未便但言比舊工加三四倍而

上下皆咋舌閣筆矣雖然民瘼所係有決必有淤有淤又有決正恐相尋而未已敢不急急以圖之手臣查河銀額派每年名雖二十一萬餘兩拖欠常有五六萬兩使無非常水患如今日盡以歲入供歲修之用加之省存裁贍等項截長補短猶足支持不意四年大浸省且塞決共三十三處工費俱在歲修之外以人夫則處處有工無可調役以料物則災年遠買市價較高此不足之形所以日露一日也且也近來完銀又不盡爲河工用自天啓六年起大工繁興疆場多故臣子爭以急公自見前河臣李從心任

內解支過

陵工 大工遠餉募沙船冬衣布花五項共十八萬一千八十兩繼而李若星任內解支過南北

陵工 大工遠餉與入援兵餉措買戰馬軍器接濟營糧料九項共二十一萬二千三百兩皆有 題疏奉

旨可查即臣前任天啓六年春與今四五年亦具題解支過陵工遠餉協濟通惠河大挑與移鎮防漕兵餉登餉七項共六萬五千兩通計七年內非河工而耗河帑者四十五萬八千餘兩以二十一萬歲額計之即使全完已缺二年之

入况各省直自天啓五年至今見帶徵共欠二十一萬七千三十六兩總督漕臣借造燬船一萬兩與前河臣李從心查題過各屬借支難完者二萬五千二兩易完見追者三萬九千九十八兩三項又二十九萬一百三十四兩合前額外之支解則七十四萬八千有奇矣總筭九年歲入明明缺額四五年入少出多安得不乏此河帑積匱之繇謹畧陳以祈

天鑒者也即積匱亦非自今日始也憶昔

神祖朝時將作未興邊塵不聳內外水衡業已並訖萬曆三

十三年前河臣曹時聘以大挑朱旺口估請無額銀八十餘萬省直丁夫二十餘萬工部覆奉

聖旨黃河北徙南陽運道被灌大挑朱旺口舊河使水歸故道費用浩大各當協濟雖帑藏處處空匱但此真不得已之役所宜應付亦難執例吝惜今次戶部可勉從工部之請如數借給若漕糧必不可留亦須設法處足與他其兵部淮揚馬價及南京兵工二部錢糧俱著如數借給寧于別項樽節毋得自分彼此此外開納搜括等事俱依議著河道會同各撫按便宜處置行刺期興工慎毋輕悞妄費

欽此益知河帑之匱所繇來者漸矣臣自四年二月入境
後目擊河身日高舉稽往事有惕于中是以日夜清查完
欠屢瀆

宸嚴設立考成之法正欲豫儲有餘以備非常而無柰時不
我與洪水先至何也假使錢糧不乏隨取隨給

陵運民生利害所關何等重大臣固以理河爲職者敢自溺
其職乎若曰沽名節省以妨大計此時此帑不但無意急
公者甚難冒破即有心體國者媿無節省也然而河患如
此其急仰塵

宵旰又如此其殷也設急著以救然眉難再緩須臾矣所謂
急著者一議留戶部六年分河道項下遼餉二萬一千兩
蓋戶急則當耘人工急又難舍已待完日再解可也二催
總督臣遠還借造燬船一萬兩蓋船既造完即當還以治
河也三議崇禎三年浙江以輕齋河工誤解戶部七分漕
折銀六千三百兩鎮江府亦有誤解一千二十兩已准部
咨于五年分補還正月內隨到可隨用也四提河南河庫
先年例協淮工四千五百兩近因河平暫止今工程大速
解五六兩年九千兩可也五查淮安府五年分欠徵折夫

繇開標頭四稅共一萬八千七百一十兩勒限催完一萬
兩募夫不許再加舊欠玩誤此知府任心淵與山清同知
趙應垣之責也六有五年分江北五府州河工輕齎卓盤
一萬六千六百四十九兩解到儘辦急工不得他支此山
陽縣知縣王正志之責也七議于湖廣見題催舊欠新徵
河工輕齎與解淮充二庫減存運軍月糧共銀一萬八千
一百二十一兩江西見題催舊欠新徵河工輕齎與解充
庫減存運月糧共銀二萬三千兩應天府見題催舊欠新
徵河工輕齎與二升腳米共銀三萬一千四百八十五兩

一錢蘇松常鎮四府見題催舊欠新徵河工輕齎與二亦
脚米共銀六萬三千五百二十八兩浙江布政司見題催
舊欠新徵解充庫減存運軍月糧與杭嘉湖三府二亦
米共銀二萬三千六百四十一兩四錢以上約計二十三
萬餘兩而舊欠居多有近者有遠者未必春初可完然能
十完七八亦足以救目前之急矣舍此別無點金之術
鉅之門臣將安所措手足乎節據司道約估新工項銀七
八萬此後深者漸淺淺者漸淤自難拘于初估且淮徐二
屬山清黃壩高堰歸堤與邵宿睢寧黃河新河上源下流

疏築之用取數不少尤難聽其浮冒臣謹約畧豫計如此懇乞

聖裁容臣遵照先令

勅書

明旨選任部司等官及措處錢糧俱以便宜措置一面通融處辦一面確議會

請不然挑水一發工無及矣惟是新運過淮之後臣又當移鎮防漕尾幫過德而二東脊脊濟寧爲扼要之區臣似不能久飄河許所望于漕撫督臣李待問提衡道府種應辟

需者甚多就中事宜難以殫述即合用人夫臣奉

勅原許于河屬附近有司等官衙門調取應今額設徭役等
夫當春歲修各有工占起派里甲慮擾災黎即昨新縣二
工以三分募夫一日猶告不足即力役一節不題與他
並難矣非就近有司設法催募部領得人無擾為要
集事此必撫臣檄行各屬遴委廉能之官好義之民
舞用之非臣力所及也臣查得萬曆三年河隴並災
浩大諒工科都給事中侯于趙題議天妃廟以北定
河臣天妃廟以南宜崇命漕臣工部覆奉

欵依行令分理在卷近年淮上諸臣臣行文委用措辦每每稽延誤事非小故敢循舊例爲將伯之呼萬萬不得已也總漕臣義切急公誼深共濟且饑溺繇已必不以臣言爲創而吐棄之矣至于黃河水性拖泥帶沙遷徙無常寔與他清流一定就下者不同臣畧舉近事以証之本年九月初十日據河南管河道臣陸之祺詳稱祥符縣張家灣黃河水從西北來直奔東南復折而之東北北岸淤沙愈高水避就卑全河之勢盡掃南灣先年老堤衝盡今又將小長堤塌毀數十丈亟調鄉夫借營兵添築月堤四百丈愈

讓愈侵又坐陷百餘丈復補一堤即下掃護堤根亦隨陷
虛費可惜也乞委多官會勘從北灘挑一引水河以水勢
則南趨自緩臣亟批集衆熟籌確估去後至二十三日談
道揭報張家灣河勢又忽自轉而北南勢以緩衆議遂有
異同蓋河無定形如此非人聰明所能測度此一証也十
月二十五日談道又稟封丘縣荆隆口漫決不深用力稍
易但滄桑可怪大河忽徙而南從荆隆口望之約有八九
里之遙舊日河身俱成平陸惟水從西南分一支滔滔北
流詢之士人云迤北行將自淤明年可無水患此又一証

也臣于是知水無有不下而黃河之水庸有不盡下者所以古人動稱神河夫亦曰不可知之謂神也但人事當盡不可圖僥倖以聽于神耳然如張家灣新堤四百丈之築舊堤數百埽之下金錢空委逝波何如九月內神河自徙之爲省且易乎臣因思凡河工估計未便倉皇具

題恐後來緩急多寡之數一有參差

題多而用少猶可言也若題少而用多何法銷筭是用附陳無常河勢以瀆

舜聰若此奉

聖旨奏內各項急需錢糧著嚴催速解及時竣後仍清數浮
冒毋致虛糜其餘事情該部看議速奏朱光祚著殫力料理
以副委任